

KRABBER



STRANDKRABBE

Ei krabbe som lever langs kysten i heile Noreg og i Europa

Krabber er ei gruppe av tifotkrepsar. Dei har fem par bein, og det første paret har kraftige klosakser, som dei brukar til å fange eller halde maten med.

Krabber et ofte åtsel, men kan også fange levande dyr, som for eksempel fisk.

Krabber lever for det meste i havet, men det finst artar som lever i ferskvaan og på land.

Langs norskekysten er det funne omtrent 30 ulike artar av krabbe.

Krabber spring sidelengs fordi dei har dårleg syn, men har følehår som gjer at dei kan orientere seg. Ved å gå sidelengs utnyttar dei følehåra betre.

Kjelde: Wikipedia: no.wikipedia.org/wiki/krabber

Krabber er ei gruppe av tifotkreps. Alle tifotkrepsar har fem par føter, og berre eitt par klosakser og eit kraftig ryggskjold.

Vaksne krabber beveger seg sidelengs. Nokre krabber kan også gå både forlengs og baklengs.

Det finst 4500 artar av krabber i verda, og 30 artar i Noreg.

Følehorn og augestilkane er små og kan leggest inn i groper i forkanten av skjoldet.

Krabber pustar med gjeller, som sit på sidane under skjoldet.

Krabber er altetande. Nokre kan ete tang eller algar.

Kjelde: Store norske leksikon: snl.no/krabber



HALLOWEENKRABBE

Ei krabbe som lever på dei Karibiske øyene

Taskekrabber og kongekrabber



TASKEKRABBE

Ei krabbe som lever i havet og langs kysten i Noreg og i Europa

Taskekrabba vil ha salt sjø, og lever derfor ikkje i område med brakkvatn, men finst likevel ofte på grunt vatn. Ho føretrekker hard botn, men kan vandre ut på botn med skjelsand og leire innimellom steinbotn.

Krabba føretrekker varmare temperaturar og vandrar til djupare og varmare vatn (30–50 meter) om vinteren. Det er observert krabbe ned til 400 meter.

Krabba må skifte skal for å vekse. Dei skiftar skal om hausten. Paring føregår rett etter at hoa har skifta skal.

Kjelde: Havforskningsinstituttet: www.hi.no/hi/temasider/arter/taskekrabbe

Kongekrabba kjem eigentleg frå Stillehavet, men blei frakta til Russland i 1959. Nå har ho spreidd seg til heile kysten av Noreg.

Ho er både veldig lønnsam og veldig skadeleg. Noreg tjener mykje på å fange og selje kongekrabber. Samtidig et ho så mykje forskjellig at mange artar på havbotnen er i ferd med å døy ut.

Kjelde: Store norske leksikon: snl.no/kongekrabbe



KONGEKRABBE

Ei krabbe som lever både i Stillehavet og i Atlanterhavet, fordi menneske tok ho med seg dit